

"(5) Za posebne uslove rada nad provođenjem Zakona o prevenciji korupcije, šef Ureda i zaposlenici imaju uvećanje plaće u iznosu od 10% od osnovne plaće, sa početkom primjene Zakona o prevenciji korupcije."

Član 4.

(Izmjena člana 10.)

(1) U članu 10. stav (1) mijenja se i glasi:

"(1) Sve institucije kojima je osnivač Kanton Sarajevo (organi uprave, službe, upravne organizacije, pravosudne institucije, javne ustanove, zavodi, vanbudžetski fondovi, javna preduzeća i sl., kojima je osnivač Kanton Sarajevo ili u kojima Kanton Sarajevo ima osnivačka prava), kao i sve druge institucije koje su navedene u članu 2. stav (1) tačka d) Zakona o prevenciji korupcije, dužne su saradivati sa Uredom u provođenju aktivnosti iz djelokruga rada Ureda, koji je propisan u članu 2. ove uredbe."

(2) U članu 10. stav (3) se briše, a dosadašnji stav (4) postaje stav (3).

Član 5.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-38266-4/22

29. septembra 2022. godine
Sarajevo

Premijer

Edin Forto, s. r.

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 27. stav (3) Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 31/22) Vlada Kantona Sarajevo, na 238. vanrednoj sjednici održanoj 29.09.2022. godine, donijela je

UREDBU

O NAČINU I UVJETIMA OSTVARIVANJA PRAVA NA DODJELU STIPENDIJA BORCIMA - BRANITELJIMA BOSNE I HERCEGOVINE I NJIHOVOJ DJECI

I - OSNOVNE ODREDBE

Član 1.

(Osnovne odredbe i korisnici prava)

- (1) Ovom uredbom utvrđuju se uvjeti za ostvarivanje prava na stipendiju, sredstva za stipendiranje, izbor kandidata, ostvarivanja stipendije i kriteriji za ostvarivanje prava na dodjelu stipendija licima iz člana 1. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 31/22) (u daljnjem tekstu: Zakon) i njihovoj djeci.
- (2) Lica iz člana 1. Zakona i njihova djeca, kao i djeca šehida, poginulih, umrlih i nestalih branioca (u daljnjem tekstu: djeca šehida i poginulih branioca) imaju pravo na dodjelu stipendija za I, II i III ciklus Bolonjskog sistema studija.

Član 2.

(Rodna neutralnost izraza)

Izrazi koji se koriste u ovoj uredbi, a imaju rodno značenje koriste se neutralno i odnose se jednako na muški i ženski rod.

II - UVJETI ZA OSTVARIVANJE PRAVA

Član 3.

(Uvjeti za ostvarivanje prava na stipendiju)

- (1) Prava po ovoj uredbi mogu ostvariti lica iz člana 1. ove uredbe i njihova djeca pod uvjetom da se nalaze na

redovnom školovanju i studiju u srednjoškolskim i visokoškolskim obrazovnim ustanovama i da imaju prijavljeno prebivalište, odnosno boravište na području Kantona Sarajevo (u daljnjem tekstu: Kanton) najmanje deset godina neprekidno do 01.01. one godine u kojoj se predaje zahtjev za ostvarivanje ovog prava i dalje neprekidno.

- (2) Pojam neprekidnog prebivališta, odnosno boravišta na području Kantona podrazumjeva i prekide u boravištu/prebivalištu, ne duže od tri mjeseca u toku jedne kalendarske godine, ukoliko se isti odnose na prijavu u mjesto prijeratnog prebivališta.

Član 4.

(Realizacija stipendija)

- (1) O stipendiranju učenika i studenata iz člana 1. ove uredbe stara se Ministarstvo za boračka pitanja Kantona Sarajevo (u daljnjem tekstu: Ministarstvo), a koje se realizuje putem Fonda Kantona Sarajevo za stipendiranje i školovanje djece boraca, poginulih boraca i poginulih civila žrtava rata "IKRE" (u daljnjem tekstu: Fond "IKRE").
- (2) Obaveze Fonda "IKRE" su slijedeće:
 - a) raspisati konkurs;
 - b) zaprimati prijave na konkurs;
 - c) razmatrati zahtjeve za dodjelu stipendije;
 - d) izvršiti rangiranje bodovanja, sačiniti spiskove kandidata i odluku o izboru kandidata;
 - e) pratiti realizaciju zaključenih pojedinačnih ugovora o stipendiranju i
 - f) vršiti doznaku sredstava stipendistima putem ovlaštene poslovne banke.

Član 5.

(Ugovor o stipendiranju)

- (1) Prava i obaveze i druga pitanja o dodjeli i korištenju stipendije reguliše se preciznije u međusobno zaključenom ugovoru između odabranog stipendiste i Ministarstva.
- (2) Ugovor o stipendiranju od strane prvog potpisnika potpisuje roditelj (staratelj) maloljetnog učenika, odnosno punoljetni učenik i student. Drugi potpisnik ugovora je Ministar za boračka pitanja Kantona Sarajevo (u daljnjem tekstu: ministar) ili lice koje on ovlasti i direktor Fonda "IKRE".

III - SREDSTVA ZA STIPENDIRANJE I IZBOR KANDIDATA

Član 6.

(Raspodjela sredstava za stipendije)

- (1) Po utvrđenim i odobrenim godišnjim sredstvima za stipendiranje učenika i studenata iz člana 1. ove uredbe iz budžeta Kantona, sredstva se obezbjeđuju za isplatu stipendija, i to:
 - a) za redovno školovanje učenika u srednjem obrazovanju - 1050 stipendija;
 - b) za redovno školovanje studenata na visokoškolskim ustanovama - 1050 stipendija;
 - c) za redovno školovanje na II ciklusu Bolonjskog sistema studiranja - 200 stipendija;
 - c) za redovno školovanje na III ciklusu Bolonjskog sistema studiranja - 30 stipendija.
- (2) Raspodjela sredstava za stipendije može, po potrebi, biti i drugačija, u zavisnosti od broja prijavljenih kandidata za dodjelu stipendija za pojedine vrste školovanja, a o čemu konačnu odluku donosi Ministarstvo uz saglasnost Vlade Kantona Sarajevo.

Član 7.

(Raspisivanje konkursa)

- (1) Izbor kandidata za stipendiranje vrši se na osnovu prijave na konkurs za dodjelu stipendija. Konkurs za dodjelu stipendija raspisuje Fond "IKRE" uz saglasnost Ministarstva.
- (2) Konkurs za dodjelu stipendija sadrži:
 - a) uvjete i kriterije koje kandidati moraju ispunjavati;
 - b) broj kandidata koji se stipendiraju;
 - c) broj mjeseci na koje se stipendija odnosi i njen mjesečni iznos;
 - d) rok za podnošenje prijave koji određuje Fond "IKRE";
 - e) potrebnu dokumentaciju koja se prilaže uz prijavu na konkurs;
 - f) adresu ili druge podatke (fax, e-mail) na koju se prijava na konkurs podnosi i
 - g) druge eventualno potrebne podatke.
- (3) Konkurs za dodjelu stipendija se objavljuje u jednom od dnevnih listova koji izlaze na području Kantona i na drugi pogodan način koji odredi Fond "IKRE" (elektronski mediji, web stranice, oglasne ploče).
- (4) Fond "IKRE" raspisuje konkurs za dodjelu stipendija najkasnije do 31. oktobra tekuće godine za narednu školsku godinu.

Član 8.

(Objava obavještenja i podnošenje prigovora)

- (1) Fond "IKRE" je dužan, po obavljenoj odabiru kandidata, u dnevnom listu u kojem je konkurs za dodjelu stipendija bio objavljen, objaviti obavještenje o mjestu, roku i načinu uvida u odluku i spisak svih izabranih kandidata za stipendiranje.
- (2) Odluku o izboru kandidata i dodjeli stipendija donosi Fond "IKRE".
- (3) Na odluku o izboru kandidata i dodjelu stipendija Fonda "IKRE" može se podnijeti prigovor ministru, u roku od 15 dana od dana objavljivanja obavještenja u dnevnom listu.

Član 9.

(Pravo učešća na konkursu)

- (1) Pravo učešća na konkursu za dodjelu stipendija imaju lica iz člana 1. ove uredbe za vrijeme redovnog školovanja i studija u srednjoškolskim i visokoškolskim obrazovnim ustanovama.
- (2) Pravo na dodjelu stipendija mogu ostvariti studenti koji se nalaze na redovnom studiju u visokoškolskim obrazovnim ustanovama sa sjedištem na području Kantona Sarajevo.

IV - OSTVARIVANJE STIPENDIJE

Član 10.

(Isplata stipendija)

Stipendije se isplaćuju za jednu školsku godinu i isplaćuju se za devet mjeseci u kojima se nastava odvija u školskoj godini.

Član 11.

(Visina stipendije)

- (1) Visina mjesečne stipendije za učenike i studente I ciklusa Bolonjskog sistema studija iznosi 100,00 KM.
- (2) Visina mjesečne stipendije za studente II ciklusa Bolonjskog sistema studija iznosi 200,00 KM.
- (3) Visina mjesečne stipendije za studente III ciklusa Bolonjskog sistema studija iznosi 500,00 KM.

Član 12.

(Slučajevi u kojima se ne može ostvariti stipendija)

- (1) Stipendija se ne može dodijeliti:
 - a) za dva ili više učenika/studenta iz iste porodice,

- b) licima koja već primaju stipendiju od nekog drugog organa, institucije ili fondacije,
- c) apsolventima,
- d) studentima I, II i III ciklusa Bolonjskog sistema studija koji obnavljaju školsku godinu,
- e) studenti studija na daljinu.

- (2) Izuzetno od stava (1) ovog člana stipendija se može dodijeliti za više učenika/studenta iz iste porodice, ukoliko nije bilo dovoljno prijavljenih kandidata, koji ispunjavaju uvjete konkursa za dodjelu stipendije.
- (3) Stipendija se ne može dodijeliti studentima II i III ciklusa Bolonjskog sistema studija koji su ostvarili pravo na dodjelu jednokratne novčane pomoći u vidu plaćanja dijela troškova II i III ciklusa Bolonjskog sistema studija putem Ministarstva ili nekog drugog organa, institucije ili fondacije.

Član 13.

(Pojam porodice u smislu ove uredbe)

Porodicu u smislu ove uredbe čine bračni drug, djeca rođena u braku ili van braka, usvojena djeca i pastorčad, ako žive u zajedničkom domaćinstvu.

Član 14.

(Povrat stipendije)

- (1) Stipendije su nepovratne ukoliko stipendisti redovno ispunjavaju svoje školske obaveze.
- (2) Punoljetni učenik, roditelj (staratelj) maloljetnog učenika i student koji je potpisnik ugovora o stipendiranju dužan je da vrati sav iznos sredstava, uz pripadajuću zakonsku kamatu, u roku od godinu dana, koji je primio za stipendiranje po osnovu ove uredbe u slučaju ako napusti redovno školovanje ili ako izgubi pravo na daljnje školovanje.
- (3) Fond "IKRE" obezbjeđuje kontrolu sprovođenja odredbi ugovora i po potrebi pokreće postupke za raskid ugovora i nadoknadu sredstava u ime i za račun Ministarstva.

Član 15.

(Obustava isplate stipendije)

Ministar ima pravo da obustavi isplatu stipendije shodno uvjetima po osnovu ove Uredbe i u slučaju nedostatka finansijskih sredstava u budžetu Kantona planiranih za ovu namjenu, a o čemu će korisnici stipendija biti pismeno obaviješteni.

V - KRITERIJI ZA DODJELU STIPENDIJA

Član 16.

(Kriteriji za bodovanje zahtjeva)

- (1) Za utvrđivanje prosjeka ocjena za učenike i studente razmatra se prosjek ocjena kako slijedi:
 - a) za učenike koji se prvi put upisuju u srednju školu, za utvrđivanje prosjeka ocjena uzima se u razmatranje prosjek ocjena završnog razreda osnovne škole;
 - b) za studente koji se prvi put upisuju u visokoškolsku obrazovnu ustanovu za utvrđivanje prosjeka ocjena uzima se u razmatranje prosjek ocjena završnog razreda srednje škole;
 - c) za studente II ciklusa Bolonjskog sistema studija koji se prvi put upisuju na II ciklus za utvrđivanje prosjeka ocjena uzima se u razmatranje prosjek ocjena završne godine studija I ciklusa;
 - d) za studente III ciklusa Bolonjskog sistema studija koji se prvi put upisuju na III ciklus za utvrđivanje prosjeka ocjena uzima se u razmatranje prosjek ocjena završne godine studija II ciklusa.

- (2) Fond "IKRE" razmatra pristigle zahtjeve za dodjelu stipendija i utvrđuje broj bodova za svakog kandidata prema slijedećem:
- a) bodovi po osnovu rezultata u učenju:
 - 1) za učenike prvog razreda srednje škole prosječna ocjena u devetom razredu osnovne škole zaokružena na jednu decimalu i pomnožena sa 10;
 - 2) za učenike srednjih škola prosječna ocjena u prethodnoj školskoj godini zaokružena na jednu decimalu i pomnožena sa 10;
 - 3) za studente na prvoj godini studija prosječna ocjena u IV razredu srednje škole zaokružena na jednu decimalu i pomnožena sa 19;
 - 4) za studente viših godina studija prosječna ocjena u prethodnoj godini studija zaokružena na jednu decimalu i pomnožena sa 10;
 - 5) za studente prve godine II ciklusa Bolonjskog sistema studija prosječna ocjena završne godine studija I ciklusa zaokružena na jednu decimalu i pomnožena sa 10;
 - 6) za studente druge godine II ciklusa Bolonjskog sistema studija prosječna ocjena prethodne godine studija II ciklusa zaokružena na jednu decimalu i pomnožena sa 10;
 - 7) za studente III ciklusa Bolonjskog sistema studija prosječna ocjena završne godine studija II ciklusa zaokružena na jednu decimalu i pomnožena sa 10;
 - 8) za studente druge i treće godine III ciklusa Bolonjskog sistema studija prosječna ocjena prethodne godine studija III ciklusa zaokružena na jednu decimalu i pomnožena sa 10.
 - b) bodovi po osnovu otežanih uvjeta života koji su nastali kao posljedica agresije:
 - 1) dijete šehida i poginulog branioca - 20 bodova;
 - 2) učenik ili student za roditelja RVI-I grupe sa 100% invaliditetom - 15 bodova;
 - 3) učenik ili student za roditelja RVI-II grupe sa 100% invaliditetom - 12 bodova;
 - 4) učenik ili student za roditelja RVI-III grupe sa 90% invaliditetom - 9 bodova;
 - 5) učenik ili student za roditelja RVI-IV grupe sa 80% invaliditetom - 8 bodova;
 - 6) učenik ili student za roditelja RVI-V grupe sa 70% invaliditetom - 7 bodova;
 - 7) učenik ili student za roditelja RVI-VI grupe sa 60% invaliditetom - 6 bodova;
 - 8) učenik ili student za roditelja RVI-VII grupe sa 50% invaliditetom - 5 bodova;
 - 9) učenik ili student za roditelja RVI-VIII grupe sa 40% invaliditetom - 4 boda;
 - 10) učenik ili student za roditelja RVI-IX grupe sa 30% invaliditetom - 3 boda;
 - 11) učenik ili student za roditelja RVI-X grupe sa 20% invaliditetom - 2 boda;
 - 12) učenik ili student za svakog člana porodičnog domaćinstva koji je RVI preko 50% - 2 boda;
 - 13) učenik ili student za roditelja pripadnika Oružanih snaga Republike Bosne i Hercegovine (u daljnjem tekstu: OS RBiH) za svaki puni mjesec učešća u OS RBiH - 1 bod;
 - 14) borački status za svakog narednog člana porodičnog domaćinstva koji se ne odnosi na lice za koje je učenik ili student ostvario bodove po alineji 13. tačka b) stav (2) ovog člana - 5 bodova,
 - 15) maloljetni pripadnici OS RBiH kao licima koja su se uključila u OS RBiH u životnoj dobi kada nisu bili vojni obveznici - 10 bodova.
 - c) bodovi po osnovu dodjele ratnih priznanja: učenik ili student čiji su roditelji dobitnici ratnih priznanja i odlikovanja - 5 bodova.
 - d) bodovi po osnovu niskog porodičnog standarda:
 - 1) učenik ili student čija porodica prima socijalnu pomoć ili je bez ikakvih primanja - 20 bodova,
 - 2) učenik ili student čija porodica ima primanja koja po članu domaćinstva ne prelaze 33% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite - 15 bodova;
 - 3) učenik ili student čija porodica ima primanja koja po članu domaćinstva ne prelaze iznos između 33% do 40% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite - 10 bodova;
 - 4) učenik ili student čija porodica ima primanja koja po članu domaćinstva ne prelaze iznos između 40% do 45% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite - 5 bodova;
 - 5) učenik ili student čija porodica ima primanja koja po članu domaćinstva prelaze 45% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite - 0 bodova;
 - 6) učenik ili student za svakog nezaposlenog punoljetnog člana porodičnog domaćinstva - 2 boda.
 - e) bodovi po ostalim osnovama:
 - 1) učenik ili student za svakog teško oboljelog člana porodičnog domaćinstva, a koji nije bodovan po osnovu ratne vojne invalidnosti (npr. maligna oboljenja, teška srčana oboljenja, dijabetes, moždani udar, PTSD) - 2 boda;
 - 2) učenik ili student za svakog člana porodičnog domaćinstva na redovnom školovanju - 2 boda;
 - 3) učenik ili student bez jednog roditelja koji je umro nakon agresije a bio je u toku agresije pripadnik OS RBiH, i to:
 - umrli RVI - 10 bodova,
 - umrli borac - branitelj koji je bio pripadnik OS RBiH najmanje godinu dana u periodu od 18.09.1991. do 23.12.1996. godine pod uvjetom da ne postoje okolnosti iz člana 36. Zakona o pravima branilaca i članova njihovih porodica ("Službene novine Federacije BiH", broj 33/04, 56/05, 70/07, 9/10, 90/17 i 29/22) - 5 bodova.
- (3) Za ratne vojne invalide i šehide-poginule borce, učešće u OS RBiH boduje se za čitav period od momenta stupanja u OS RBiH pa sve do završetka oružane agresije na Bosnu i Hercegovinu (23.12.1996. godine).

Član 17.

(Stipendije bez bodovanja)

Stipendije bez bodovanja po odredbama člana 16. ove uredbe, ukoliko ispunjavaju uvjete iz člana 3. ove uredbe i ne obnavljaju razred ili godinu, dobivaju:

- a) djeca bez oba roditelja čiji su roditelji poginuli kao pripadnici OS RBiH ili umrli odnosno poginuli nakon agresije, a jedan od njih je bio pripadnik OS RBiH najmanje godinu dana u periodu od 18.09.1991. do 23.12.1996. godine pod uvjetom da ne postoje okolnosti iz člana 36. Zakona o pravima branilaca i članova njihovih porodica ("Službene novine Federacije BiH", broj 33/04, 56/05, 70/07, 9/10, 90/17 i 29/22);
- b) jedno od djece koje bi u skladu sa kriterijima bodovanja imalo najviše bodova, iz porodice u kojoj se na redovnom školovanju nalaze troje i više djece, a čija ukupna primanja po članu domaćinstva ne prelaze 33% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite.

Član 18.

(Prednost u slučaju kada kandidati imaju isti broj bodova)

- (1) Kada prijavljeni kandidati pri bodovanju imaju isti broj bodova, prednost će imati kandidati viših razreda odnosno godina studija i čiji je porodični standard niži.
- (2) Ukoliko studenti II i III ciklusa Bolonjskog sistema studija imaju isti broj bodova, prednost će imati nezaposleni studenti na II, odnosno III ciklusu Bolonjskog sistema studija.

VI - ZAVRŠNE I PRIJELAZNE ODREDBE

Član 19.

(Prestanak važenja ranijeg propisa)

Stupanjem na snagu ove uredbe prestaje da važi Uredba o načinu i uslovima ostvarivanja prava na dodjelu stipendija borcima-braniteljima Bosne i Hercegovine i njihovoj djeci ("Službene novine Kantona Sarajevo", broj 40/14 - Prečišćeni tekst).

Član 20.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-38266-5/22

29. septembra 2022. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 68. stav (1) Kolektivnog ugovora o pravima i obavezama poslodavaca i radnika u području djelatnosti zdravstvene zaštite na području Kantona Sarajevo ("Službene novine Kantona Sarajevo", broj 20/22) Vlada Kantona Sarajevo, na 238. vanrednoj sjednici održanoj 29.09.2022. godine, donijela je

ODLUKU**O IZMJENI ODLUKE O IMENOVANJU KOMISIJE ZA TUMAČENJE KOLEKTIVNOG UGOVORA O PRAVIMA I OBAVEZAMA POSLODAVACA I RADNIKA U PODRUČJU DJELATNOSTI ZDRAVSTVENE ZAŠTITE NA PODRUČJU KANTONA SARAJEVO****I**

U Odluci o imenovanju Komisije za tumačenje Kolektivnog ugovora o pravima i obavezama poslodavaca i radnika u području djelatnosti zdravstvene zaštite na području Kantona Sarajevo, broj 02-04-35541-9/22 od 15.09.2022. godine, u tački I mijenjaju se podtačke 3. i 3.1. i iste sada glase:

"3. Nedžra Hadžiibrahimović - predstavnik Ministarstva zdravstva Kantona Sarajevo i

3.1. Ivona Islamagić - zamjenik predstavnika."

II

Ova odluka je sastavni dio Odluke o imenovanju Komisije za tumačenje Kolektivnog ugovora o pravima i obavezama poslodavaca i radnika u području djelatnosti zdravstvene zaštite na području Kantona Sarajevo, broj 02-04-35541-9/22 od 15.09.2022. godine.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-38266-6/22

29. septembra 2022. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 68. stav (1) Kolektivnog ugovora o pravima i obavezama poslodavaca i radnika u djelatnosti medicinskih sestara i tehničara i zdravstvenih tehničara svih profila i nivoa obrazovanja na teritoriji Kantona Sarajevo ("Službene novine Kantona Sarajevo", broj 20/22), Vlada Kantona Sarajevo, na 238. vanrednoj sjednici održanoj 29.09.2022. godine, donijela je

ODLUKU**O IZMJENI ODLUKE O IMENOVANJU KOMISIJE ZA TUMAČENJE KOLEKTIVNOG UGOVORA O PRAVIMA I OBAVEZAMA POSLODAVACA I RADNIKA U DJELATNOSTI MEDICINSKIH SESTARA I TEHNIČARA I ZDRAVSTVENIH TEHNIČARA SVIH PROFILA I NIVOVA OBRAZOVANJA NA TERITORIJI KANTONA SARAJEVO****I**

U Odluci o imenovanju Komisije za tumačenje Kolektivnog ugovora o pravima i obavezama poslodavaca i radnika u djelatnosti medicinskih sestara i tehničara i zdravstvenih tehničara svih profila i nivoa obrazovanja na teritoriji Kantona Sarajevo, broj 02-04-35541-8/22 od 15.09.2022. godine, u tački I mijenjaju se podtačke 3. i 3.1. i iste sada glase:

"3. Smail Demirović - predstavnik Ministarstva zdravstva Kantona Sarajevo i

3.1. Amra Isić - zamjenik predstavnika."

II

Ova odluka je sastavni dio Odluke o imenovanju Komisije za tumačenje Kolektivnog ugovora o pravima i obavezama poslodavaca i radnika u djelatnosti medicinskih sestara i tehničara i zdravstvenih tehničara svih profila i nivoa